

ما يقع إلا الشاطر..!؟!

ووقعت ما يقع إلا الشاطر

وباقول طيب وباقول حاضر

من كتر ما كنت برئ ساذج

ومأمن ليهم ومغمض

انا باعلن إني خلاص خارج

من جوة حياتهم انا هبعد



وانا قلبي خلاص والله عاذره

متوقع ايه او منتظره

جرحك مبقاش فيا مسمع

مبقتش خلاص سيرتك توجع

كات آخر فرصة إننا نرجع

مات الاحساس وانت المسئول

جرحك دا مكاش ف يوم هين

وضميرك راضى ومستتهون

كان أول ايد يوم توجعنى

وانا ايه يجبرنى يرجعنى

ارجع لعيون غاوية تبيعنى

ما اهو صعب تعيش طيب على طول..!!

